

U Molayil Secretaría de Educación Pública (SEP), yéetel U Molayil Secretaría de Desarrollo Social (SEDESOL),
ku meyajo'ob yéetel U Molayil Instituto Mexicano de la Juventud (IMJUVE),

Ti'al u payalt'antik

U múuchkabil Congreso de la Unión; u múuch'kabil congreso ti' tuláakal u péetlu'umil México beey xan u Asamblea Legislativa u noj kaajil Distrito Federal; u molayil Poder Judicial u noj lu'umil México yéetel u molayilo'ob poder judicial ti' tuláakal u péetlu'umil México; u jejeláas molayilo'ob u jala'achil u noj lu'umil México; u jala'achilo'ob u péetlu'umilo'ob México yéetel u noj kaajil Distrito Federal beey xan tuláakal méek'tankaajilo'ob; u jala'achilo'ob mejen kaaj; u múuch'kabil ajmeyajo'ob, máasewáal wíinik, kolnáalo'ob, u kajnáalil kaaj yéetel aj ts'aa meyajo'ob; u najil xooko'ob; u molayilo'ob ku yáantik máako'ob; u much'kabil máako'ob xooknaja'ano'ob; u molayilo'ob ku yáantajo'ob ti'al u yantal wíiniko'ob ma'alob u tuukulo'ob, yéetel je'el máaxake' ti'al u túuxtik u ju'uno'ob ti' u Múuch'kabil Consejo de Premiación tuláakal máak wáa junmúuch' máak, bey xan múuch'kabil, kex waa kaja'an táanxel lu'umil ba'ale' ku náajaltik u k'amik

U CHÍIMPOLALIL TÁANKELEMO'OB TU NOJ LU'UMIL MÉXICO 2014

Lela' u jach noj chíimpolalil ku k'ubik u jala'achil u lu'umil México ti' táankelem yéetel xlóo'bayan Méxicano'ob yaan ti'ob ichil 12 tak 29 ja'abo'ob, ts'o'ok u ye'esiko'ob yéetel u meyaj wáa yéetel u xook ku beetik u chíimpolta'al tumeen u yéet táankelemilo'ob yéetel ka'a béeyak u súutul u kuxtal bey jump'éeel e'esail ti'al u ma'alobtal u kuxtal u láak' máak ti'al u jóok'ol táanil yéetel ti'al u jóok'sik táanil u kaajal.

U jaatsil bix je'el a táakpajale'

- A.** Wáa yaan tech 12 tak 17 u ja'abilo'ob, ka'a anchajak le ja'abil ti'ob ichil u yáax k'iinil enero tak tu ts'ook k'iinil diciembre tu ja'abil 2013.
- B.** Wáa yaan tech 18 tak 29 u ja'abilo'ob, ka'a anchajak le ja'abil ti'ob ichil u yáax k'iinil enero tak tu ts'ook k'iinil diciembre tu ja'abil 2013.

Jaatsil meyajo'ob tu'ux u páajtal a náajaltik le Chíimpolala'

- Wáa a náajalmaj wáa ba'ax yo'olal a xook.
- Wáa táakpaja'anech ti' meyajo'ob yaan ba'ax u yil yéetel arte wáa meyajo'ob bey paax, k'aay, boon, óok'ot, ts'íib tuukul, pat wáa póol ba'al.
- Wáa a beetmaj meyaj yo'olal a kaajal.
- Wáa a beetmaj meyaj ti'al a táakmuk'tik máaseewáal miatsil.
- Wáa a beetmaj meyaj ti'al a kanáantik ba'ax yaan ta bak'pach wáa ambiente.
- Wáa a beetmaj jejeláas ba'alo'ob tu'ux ku ye'esik a péeka'anil tuukul ti'al a meyaj.
- Wáa a beetmaj meyaj ti'al a péeksiltik u páajtalil u láak' máak.
- Wáa a beetmaj meyaj ti'al u táakpajal ti' le kuxtala' máako'ob yaan ti'ob wáa ba'ax talamil yéetel u wíinklal.
- Wáa a beetmaj meyaj ti'al u taakbesikubáak máak ti' yéeyaj yéetel u meyaj jala'acho'ob; yéetel.
- Wáa a beetmaj meyaj yo'olal ba'ax ta kanaj tu najil xook, túumben ba'alo'ob wáa yo'olal ciencia yéetel tecnología.

U náajalil le chíimpolala'

- Jump'éeel medalla de oro ley 0.900.
- Beey xan yaan u ts'a'abal \$150, 000.00 (ciento cincuenta mil pesos 00/100 M.N) ti' Contratos de Comisión Mercantil y Depósito de Títulos en Custodia y Administración (CODES), lela' u ju'unil tu'ux ku ya'alik bix kun bo'otbil tech u náajal taak'inil le chíimpolalo'.

Ba'ax k'a'abet a beetik ti'al táakpajal

- Waa sijnalech tu noj lu'umil México beey xan wáa yaan tech u ju'unil tu'ux ku ya'alik mexicanoech tu súutukil kéen a ts'íibt a k'aaba' ti' le Múuch'kabil Consejo de Premiación.
- Waa yaan tech 12 tak 29 a ja'abilo'ob.
- Wáa ts'o'ok a náajaltik ka'a chíimpolta'ak a meyaj, yaan ba'ax u yil yéetel le jejeláas jaatsil meyajo'ob ts'o'ok u yáax a'ala'alo'.
- Yéetel wáa mix juntéen a yáax k'am le Chíimpolala' ti' je'el máakalmáak jaatsil meyaje'.

Ti'al u tsola'al tech le ba'ax a k'áat a wojéelt yo'olal le chíimpolala', xeen wáa t'aanen:

Instituto Mexicano de la Juventud (IMJUVE)
Prosecretaría Técnica del Consejo de Premiación
Dirección de Enlace con Organizaciones Juveniles
Serapio Rendón, núm. 76, Col. San Rafael, Deleg. Cuauhtémoc,
México, DF, CP 06470
Teléfono: 1500 1321
Conmutador: 1500 1300 extensiones 1320, 1321, 1323 y 1424.
Correo electrónico: premio@imjuventud.gob.mx

U paginail le internet tu'ux je'el u béeytal a wilik u payalt'aanil, u ju'unil ti'al a ts'íibtik a k'aaba', u ju'unil ti'al a beetik a Curriculum Vitae, a Semblanza yéetel u Historialil a Múuch'kabile', leti' le je'elo'oba':

Secretaría de Educación Pública (SEP)
<http://www.sep.gob.mx>

Instituto Mexicano de la Juventud (IMJUVE)
<http://www.imjuventud.gob.mx>

Nombre traductor: Gener Antonio Chan May
Lengua: maya